

Episcopatu requiritur ad reuocationem Priuilegiorum, vt docet Soto lib. 1. de Iustitia & Iure. q. 1. art. 4. vbi dicit pro certissimo habendum, q̄ leges priuilegiorum reuocatorię vim non habent, quo ad vsq; promulgatę sint, nō solum in Prouincia, verū etiam in Diœcesi. Hoc confirmat doctissimus Magister frater Bartholomeus de Medina. 1. secundę. q. 90. art. 4. dicens. In lege vero Pontificia necessarium videtur, quod proponatur per vniuersas Diœcesis: & si lex fuerit multum necessaria, & irritans contractus qui in Republica solent celebrari, maior adhibenda est diligentia. Quod consultissimē fecerunt Patres in Concilio Tridentino. in lege irritante matrimonia clandestina: præceptum nāque est, quod hæc lex nō solum per Diœceses vniuersas, sed etiam per Parochias vniuersas proponeretur, & quod non valeret nisi post triginta dies à promulgatione. ¶ Ex his sequuntur quædam documenta maxime obseruanda. Primo sequitur, promulgationem legis sufficientem non fieri in instanti, aut in paruo tempore, sed in temporis spatio quo possit ad notitiam omnium deuenire. Secundo sequitur, posse accidere, quod lex sit sufficiē